

Attaveqarneq aamma Attaveqarnermik ajornartorsiuteqarneq



Ilaqutariinnermut, Kultureqarnermut, Ilageeqarnermut
Naligiissitaanermullu Naalakkersuisoqarfik
Departementet for Familie, Kultur, Kirke og Ligestilling

Norsk Forsterhjemsforening-imit nutsigaq

Una quppersagaq attaveqarneq aamma attaveqarnermik ajornartorsiuteqarneq
pillugu tarnip pissusaanik immikut ilisimasallip Vigdis Bunkholdt Norsk Forster-
hjemsforening sinnerlugu suliarineqarpoq.
Bodil Fontain-imit nutserneqarpoq, tarnip pissusaanik immikut ilisimasallip Amalie
Lynge Pedersen-ip nutserneqarnera qulakkiigaavoq.
Aaqqissuisoq Andu S. Olsen.
Quppersagaq Ilaqutariinnermut, Kultureqarnermut, Ilageeqarnermut Naligiissitaa-
nermullu Naalakkersuisoqarfimmit 2011-mi saqqummersinneqapooq
Postboks 260, 3900 Nuuk. Kalaallit Nunaat.

Imaa pillugu naatsumik

Atuagaqqami uani sammisavavut ilisimatusarnikkut annertuumik suliaqarfitt pingaa-rutillit ilaat ateqartoq attaveqarneq. Siullermik sammisavarput attaveqarnerup suunera aamma attaveqarnerup pilersinnejarnissaanut piumasarineqartut. Tamatuma kingorna eqqartorneqassaaq, meeqqap aamma isumassuisut akornanni attaveqarnerup ineriantor-tarnera sooq ilaanni pitsaaneq ajortoq kipusoortarlunilu. Taava tamanna attaveqarnerup pitsaassusaanik taaneqartartumut kattunnejassaaq, aamma eqqartussavarput piffissap sivikitsup aamma ungasissup iluani attaveqarnerup pitsaangngitsup kinguneranik meeraq sunik ajornartorsiuteqarsinnaersoq. Taava tulliutissavarput meeraq angajoqqaarsia-nittoo sunik assigiinngitsunik attaveqarnikkut ajornartorsiuteqarsinnaersoq, taavalu naggataatigut siunnersuiteqassaagut angajoqqaarsiat meeraq qanoq iliorlutik ikorsinna-neraat. Tassunga atatillugu najorteqartarnermut aaqqissukkat aamma inuuusuttuaqqanut angajoqqaarsiaasarnerup qanoq ittuusinnaanera sammisavavut.

Aallaqqaasiut

Norgemi misissuinerniit nalunngilarput meeqqat ullumikkut angajoqqaarsianut nuut-tartut ilaat annertuunik ajornartorsiuteqartartut (Havik 1996, Iversen 2000). Meeqqat ilaat ammasuusarput aamma imminut inunnulu allanut ingasaassisarlutik, ilaat allat matoqqanermik ajornartorsiuteqarnerusarlutik soorlu annilaanganeq aamma nikallunga-sumik qisuariartarlutik. Ajornartorsiutinut taamak ittunut peqqutasartut arlaqarput. Angajoqqaarsianut nuuttut imaluunniit amerlanersaat minnerusumik annerusumilluunniit - imaluunniit arlalitsigut - sumiginnaanermik misigisaqarsimasarput, aamma sumiginna-nermik misigititaasimaneq nalinginnaasumik ineriantornissamut ajornartorsiutinik tama-tigungajak pilersitsisarpoq. Meeqqat taakku amerlanersaat attaveqarnikkut akornummik taaneqartartumik arlalinnik qisuariarnertaqartunik pilersitsisarput, qisuariarnerit arlallit ilaattut.

Attaveqarnikkut ajornartorsiutit assigiinngitsut naluneqanngillat, aamma meeqqat assigiinngitsunik pissusilersornerannik kinguneqartitsisarput. Siullermik sammisavarput, oqaseq attaveqarneq qanoq isumaqartinnejarnersoq.

Attaveqarneq sunaava?

Attaveqarneq meeqqap aamma meeqqap pingaarnertut isumassuisuisa akornanni timikkut misigissutitigullu meeqqamut tikikkuminartuugaangata immikkut ittumik atassuteqaqatigilertarnertut nassuiarneqarsinnaavoq, meeqqap pissusilersornermigut takutitaanut malussarillutik qisuariaraangata, meeraq misigisimasarpoq paasineqarluni, akuerineqarluni isumassorneqarlunilu. (Bunkholdt 2000). Tamanna erniinnaq uterfigeqqissavarput.

Anaanamut ataatamullu (soorunami aamma qatanngutinut) atassuteqarneq annertusiar-tortarpoq, inummulli ulluinnarni meeqqamut isumassuinerusartumut attaveqarnerusartu-mullu sukkanerusumik attaveqarneq ineriantortarpoq.

Attaveqarneq taamatut isumaqartinnejarpat tupinnartuunngilaq attaveqarneq aamma attaveqarnerup pilersarnera tarnip pissusaanik ilisimasanik ineriantortitsinerup iluani ukiuni amerlasuuni ilisimatusarnikkut uummaarissumik suliaqarfinnut pingaarutilinnut ilaatinnejqarsimammat. Eqqarsaetersuutit assigiinngitsut meeqqanik sullissinermut aamma meeqqanik ilaqtariinnillu allatigut suliaqarnernut annertuumik pingaaruteqarsimapput. Meeqqap isumassuisuminut qanoq annertutigisumik aamma qanoq ittumik attaveqarnera-

nik naliliinermi immikkut pingaaruteqarpoq, meeqqap nuunneqarnerani pissutsit assigiingitsut nalilersussallugit, angajoqqaaniit angajoqqaarsianut imaluunniit paaqqinnittarfimmut, imaluunniit angajoqqaarsianit angajoqqaaminut uterluni nuunneruppat.

Attaveqarneq paasiniarlugu aallaaviusinnaavoq meeraq ataatsimiit marlunnik ukiulik anaanani (imaluunniit inuk qanimat attavigisani - anaanaasariaqanngilaq) qanittumini ilagalugu silami aneertoq malinnaavigalugu. Meeraq nammineq sammisaqartarpoq anaanani qimalaarlugu, piffissarli sivikitsunnguaq qaangiuttorlu anaanaminut uteqittarluni, taavalu tamatuma kingorna kingumut nammineeqqilertarluni. Taamak tassani pisoqarnera tassaavoq, meeqqap anaanani toqqisisimanartutut aallaavigalugu nammineerluni silar-suarmut annikitsunik alloriarnera, akulikitsunnguanillu anaanani uterfigalugu imminut toqqisisimanartumik aallarfigisarlugu. Tamanna *attaveqarnikkut pisusilersuummik* taane-qartartumut nalinginnaasumik assersuuttit atorneqartarpoq, meeqqap isumassuisuminut qanilaariaasiatut attassiinnarniarneratullu paasineqarsinnaasutut.

Meeqqap isumassuisuatalu(isalu), anaanaappat ataataappat imaluunniit ulluinnarni isumassuisuisup akornanni attaveqaqatiginnerup ineriartornera, erninerup kinguninngua ingerlaannaq aallartittarpoq, pingarnertullu killiffik angusarlugu meeraq marlunnik ukioqaleraangat. Isummersortartut arlallit isumaqarput, tamanna tassaasoq *misikkaris-sutsikkut* attaveqarnermik pilersitsinermut *piffissamik* taaneqartartoq. (Ainsworth et al. 1978). Piffissap ineriartorfiusup misikkariissunera isumaqarpoq, immikkut pingaarute-qartoq, meeqqap pisariaqartitsinera naapertorlugu isumagineqarnissaa. Piffissat ilaatigut angajoqqaanut qanilaarneq pingarnersaasarpooq, kingusinnerusukkut pingaaruteqarpoq nammineersinnaalerneq, taava peqatigisanik ikinnguteqalerneq il.il. pingaaruteqalertarpuit. Piffissami ineriartorfiusumi alloriarnerit tamaasa meeraq immikkut piumasaqartarpoq, ineriartorfiusumi tassanerpiaq meeqqap suna pingartinneqartoq paasineqanngippat imaluunniit iluamik akineqanngippat, ineriartorneq equngasumik ingerlaadersinnaavoq imaluunniit unissinnaalluni. Tamatumalu kingunerissavaa, piffissap taassuma ingerlanerani meeraq nalinginnaasumik attaveqarnerup ineriartorneranut atatillugu piumasaqatnik misigisaqarsimanngitsoq, inuunerup ingerlanerani kingusinnerusukkut inunnut allanut qanimat attaveqarnikkut ajornartorsiorsinnaasoq. Tamanna aamma uterfigeqqissavarput.

Attaveqarnerup ineriartorneranut piumasaqatit

Tamakkiisumik attaveqarnerup ingerlaasaa pillugu isummersornerit arlallit pigineqarput. Taakku tamarmiullutik ataatsimut oqariartuutigaat, attaveqarneq pilersinniaraanni, meeqqap aamma isumassuisup akornanni inersimasoq(sut),

- timikkut aamma misigissutsitigut meeqqamat malunnaateqartariaqartoq,
- meeqqap kalerrisaarutaanut misikkariissusariaqartoq,
- isumassuinikkut patajaatsususariaqartoq.

Meeqqap aamma pisariaqartippaa atajuarnissamik misigitinneqarnissaq.

Timikkut tikinneqarsinnaaneq tupinnngitsumik isumaqarpoq, meeqqap pisariaqartitamik oqariartuutai isumaginiarlugit, meeraq nererusuppat, paaritikkusuppat, tuppallersar-neqarusuppat, inerisarneqarusuppat il.il ilagalugu. Inummum allamut misigissutsitigut tikikkuminartuussagaanni tupinnanngitsumik inuk nammineq misigissutsiminik ilisiman-nittariaqarpoq. Taamaakkangat inuk allat kalerrisaarutaannut misikkariissusarpoq. Inuk nammineq misigissutsiminik ilisimasqarusuttoq aamma/imaluunniit ilisarininkkusuttoq

imaluunniit nammineq misigissutsiminik akuersaararusuttoq, assinganik ilisarinminniaruni imaluunniit akuersiniaruni ajornartorsiuteqassaaq, taamaasillunilu inuup allap misigisa-nut naleqquttumik akissuteqarsinnaanngilaq. Aammami inuup nammineq misigissutsimi-gut tamanik matusilluni akuersaarumannginnea qaqutigut pisarpooq. Aamma misigissutsit ataasiakkaat inuunermi atussallugit ajornartorsiutaasinnaasarpuit. Ilaannut tarnikkut, allanut aliasunneq aamma nikallunganeq.

Assersuutigalugu angajooqqaat nammineq kamanneq ajortut imaluunniit sapertut, meeqqamik kamanneranik ilisarinmissallutik ajornartorsiutigissavaat aamma/imaluunniit akuer-saaruminartumik akisinnasaanatik. Meeqqap malugiguniuk kamanneq akuersaarneqan-ningitsoq imaluunniit takuneqanngitsoq akineqarnanilu, taava nammineq akuersaarnagu aallartissaq.

Meeraq taamak iliortarpoq ersigigamiuk angajooqqaami asanninnerisa annaanissaa, tamannalu pigiinnararnerup iliuuseqarsinnaasarluni. Misigissutsit taamak ittut meeqqami matusimalersinnaasarpuit.

Aalajaatsuuneq isumaqarpoq, paarsineq isumassuinerlu piffissap sivisuup ingerlanerani assigiikannersumik iluseqarlutik ingerlaneqassasut, meeraq nerisinneqarluni, sinilluni, kajumissaarneqarluni allatigullu assigiikannersumik piffissaqartinneqarlutik, killissaqartit-isoqarluni naammaginartumik kinguneqartitsisoqarluni il.il.

Allanngujaatsuunerup ilagaa (annikillisarlugu), inuit piffissap sivisujaap ingerlanerani allanngoratik meeqqamik isumaginnissasut.

Suleqatigiinnermi tessani meeraq nammineq annertuumik peqataavoq. Tarnip pissusaa-nik ilisimasaqarnerup ineriartortinneqarnerani nutaamik paasisat pingaernerit ilagivaat, meeraq inunngornerminiit inooqataalersartoq aamma equeersimaarluni inunnik allanik ujartuilersartoq. Tamatumunnga amerlasunuk atorsinnaasaqarpoq: qungujunneq, isigineq, qianeq, oqalungussarneq. Periuseq taanna attaveqarnikkut pissutsimut siusinnerusukkut taasatsinnut ilaalluni allatut isikkoqarpoq. Tessani illuatungeriulluni imminnuit malugi-niarput aamma tessani meeqqap inersimasullu akornanni attaveqaqtigiinnermi aamma meeqqap misikkarissusai, oqaasii, pillorissusaa, silatussusaalu nalinginnaasumik kajumis-saарneqartarpuit.

Suleqatigiinnerup ajornaatsuunnaaneq ajorpoq pitsaasinnaavoq, taamaakkangat attaveqar-neq pitsaasumik ingerlasarpoq meeqqamut attaveqarneq ersarissumik toqqisisimanartu-millu inerneqarsinnaasarluni, imaluunniit suleqatigiinnerup ajortuuvinnaavoq attaveqarnerlu pilersinnaqanngitsoorluni.

Suleqatigiinnerup ineriartornera pitsaasuumersoq apeqquaalluni, attaveqarneq assi-giinngitsunik annertussusilik aamma pitsaassusilik pissarsiarisarparput. Attaveqarneq qaqutigut pilersinneqanngitsuuvittarpoq.

Sooruna tamanna ilaatigut ajutoortartoq?

Oqartarpugut, isumassuinikku sumiginnaanerit assigiinngitsutigut pilersartut meeqqap angajoqqaallu akornanni ilisarnaquitit "attaveqarnerat" ajoraangata. Ilisarnaquitit taamak ittut taaneqartartput, ajutoorsinnaanermut ilisarnaatit, ajutoorsinnaaneq annertunerusoq pilersittarmassuk meeqqap angajoqqaallu akornanni suleqatigiinneq ajortoq pilersissinnaallugu. Siullermik sammissavarput, meeqqami ilisarnaat qanoq ittoq ajutoorsinnaanermut ilisarnaatitut oqaatigineqarsinnaanersoq.

Meeqqap attaveqarniarnermik ajornartorsiuteqarneranu pissutaasinnaasut

Meeqqat timikkut imaluunniit tarnikkut pissusilersuutitigut kinguarsimallutik inunngorsimasut meeqlanut allanut sanilliullutik isumassuinikku sumiginnagaanissaminnut navianartorsiornerusarput. Meeqqat taamak ittut isumassuisuminnit annertunerusumik pisariaqartitsisarput. Meeqqat amerlanersaat ilaqtariinni amerlasuutigut artorsaatilinni inunngortarput, imaassinjaasarluni angajoqqaat meeqqap ineriaartornissaminut immikkut pisariaqartitaanik tunniussinssaminut nukissaqarneq ajorlutik. Imaassinjaasarluni, ilaqtarait aningaasatigut ajornartorsiuteqartut, angajoqqaat aappaa suliffimminik annasaqarsimasinnaalluni, imaluunniit inuuusuttuulluni, anaanaq kisimiittooq oqilisaavagine-qarnissaminut pitsaasumik attaveqaateqanngitsoq imaluunniit nalorninartorsiortilluni siunnersuisussaqanngitsoq.

Meeqqat inorlutik inunngorsimasut aamma ajornartorsiuteqalersinnaasarput. Meeqqat taamak ittut kissassimaartfimmisinnajaasarput, anaanatik ataatatillu ilagisinnaasar-nagit, aamma taakku eqqarsarsinnaasarlutik, meeraq eqqarsaatiminnt eqquittingngitsoq. Taliminnik tigusinnaasarinagu, eqqarsaatimittulli qungujunneq aamma nerineq ajortoq. Aamma meeqqat inorlutik inunngorsimasut amerlanersaat pitsaasumik isumagineqartarput. Aammali imaassinjaasarluni naatsorsuutigisanut aamma nukissaqarnissamut atatil-lugu artorsaat taamak annertutigisoq ajorluinnartumik pisoqassutaasinnaasoq.

Meeqqatilaat naartuutillutik imigassamik imaluunniit ikiaroorniutinik ajoquserneqar-sinnaasarput. Meeqqat taakkuilaat inunngornermik kingorna kingunerlutsitsisarput, annertuumillu isumagineqartussaasarlutik. Misikkarissutsitigut sutigut tamatigut misik-karissusaat annertusinnaasapoq; nalinginnaasumik tiguneqarnissaq sapinajattarlugu, nipiinut nalinginnaasumik nipiitunut imaluunniit qaamanernut nalinginnaasunut sakkor-tuumik qisuariartarput. Tamatuma immini oqaatigaa, meeqqat taamak ittut ulluinnarni isumagineqartarnerat annertuumik ajornakusoorsinnaasoq. Suut tamaasa pilersaarusroriaqarput, piffissaq kingunerlutsitsinermut atugaq annertuvallaamik ippigusuuteqarnani qaangerneqassappat, aamma meeqlanut taamak ittumik isumaginemittusanut tamanna annertuumik piumasaqarfivoq. Naartuutillutik ajoquserneqarsimasut tamarmiullutik kingunerlutsitsineq ajorput. Ilaasa ajoqusernerat allatigut takutitsisarpoq, assersuutiga-lugu sutigut tamatigut ineriaartornerat kingusinnerusinnaalluni. Kisianni meeqqat taakku aamma nalinginnaasumiit pisariaqartitsinerusarput, amerlanertigut peroriartornermik annertunersaata ingerlanerani.

Meeqqatilaat "pissutsimikkut piumpinaakujuttuullutik" taaneqartartumik inunngortar-put. Tarnikkut pissutsinik ilisimasaqarnerup ineriaartorneratigut nalunngilarput, meeraq immikkut ilisarnaateqarluni inunngortartoq, aamma immikkut ilisarnaatit taakkuilaat imminnut akuliukkaangata meeqqap pigilertarpaa, periuseq "sallaatsumik" imaluunniit "piumpinaatsumik" taaneqartartoq. (Bunkholdt 2000). Meeqqat "sallaatsumik" periusillit

pitsasumik ulloq unnuarlu ingerlaaseqarnissaannut ikioruminartarput, pitsasumik nerisarput, isiginnillaqqillutik aamma qungujulallutik avatangiisiminnik soqutiginnippasittarput. Meeqqat "piuminaatsumik" periusillit ulloq unnuarlu ingerlaaseqarnissaannut ikioruminaattarput, unnuakkut toqqissillutik sininnej ajorput, sitsoqittarlutik nilliallutilu. Nilliagaangamik toqqisisarnissaat ajornakusoorsinnaasarpoq.

Meeqqat "piuminaatsumik" periusillit isumassuisuminnit annertuumik piumasaqartarput. Kisiamili tassa angajoqqaat taamak ittunik meerallit imminut naammaginatik misigisimalertarput. Nalinginnaavoq, angajoqqaat isumassuinikkut sumiginnakkanik meerallit namminneq annertuumik artorsaateqartuusarmata; namminneq ilaginnagaasimanertik, meeqqat atuarfianni aamma suliffimminni ajalasoernerit, aamma aapparisamik qimatsinerit pillugit nutaanngitsunik pakatsissuteqarsinnaasarlutik. Ajalasoernerit taamak amerlatigisut nalinginnaasumik sapersitsinernik naleqanngissutsinillu misigititsisarput. Taakku meerattaaraangamik naammaginannginnertik annertusisutut misigisarpaat, taava tamatumunga meeraq pisuutissinnaarpaat ajattortarlugulu. Ajattuineq taamak ittoq meeqqap malugisarpaas qisuaratigisarlugulu toqqissisimannginneq imaluunniit tunuarsimaarneq, taava suleqatigiinneq ajortoq pilersarpaq. Tamanna meeqqanut qulaani taasatta assinganik ajornartorsiutillinnut aamma nalinginnaasumik atuuttarpoq. Meeqqanik isumassuinikkut sumiginnagaanernik pilersitsisartunut allanik assiginngitsunik ilisarnaateqarsinnaavoq.

Tamatigut tunngaviusuni ilisarnaat sunaagaluartorluunniit sumiginnaanermik pilersitisinnaavoq ilisarnaat angajoqqaat naatsorsuutigisaannut nukiinullu naapertuitinngippat.

Angajoqqaat attaveqarniarnermik ajornartorsiutteqarnerannut pissutaasinnaasut

Angajoqqaat imigassamik ajornartorsiutillit aamma angajoqqaat tarnikkut annertuumik ajornartorsiutillit meeqqaminik isumaginninnissaq ajornartorsiutigisinnaarpaat. Akuttungitsutigut siumut ilisimareerneq ajornartarput, ullormiit ullormut allangorsinnaasarlutik, atorneeluineq pineqaraangat, silatunermit aalakoornermut. Ilai imminut aqunneq sapilertarput siooranartunngorlutik imaluunniit nakuusertunngorlutik. Qisuarinarerit taamak ittu meeqqap pisariaqartitaanut annertuumik akornusiiarput, minnerungitsumik isumassuisutut pitsaassutsikkut toqqissisimasumik attaveqarnissamut akornusiiarlutik.

Angajoqqaat tarnikkut ineriartornermi kinguarsimasut meeraaqqanik meeqqanillu anginerusunik isumassuinissaq akuttungitsutigut artorsaatigisarpaat. Qanoq annertutigisumik ajornartorsiutteqarnerannut apeqqutaasarpaq, ineriartornikkut kinguarsimasuunerat qanoq annertutiginersoq. Ilaasa paasineq ajorpaat, ajornartorsiutteqarlutik, ikiorneqarnissartillu piumaneq ajorlugu, tamanna negeroorutigineqaraangat. Ilai ikiorneqarusuttarput, kisiannili ikorsiineq atorneq ajorlugu. Tamatumunga nassuaataasinnaasut ilaat tassaavoq, ilinniakkatik "najooqquitarissallugit" sapilertarmassuk. Tamanna isumaqarpaq, assersuutgalugu pisumi aalajangersimasumi qanoq illilit meeqqamut killiliinissartik ilinniar-sinnaagaat, kisiannili tullissaanik assingusumik pisoqartillugu ilinniagartik atussallugu sapilertaraat. (Karlsen 2001).

Angajoqqaat tarnikkut ineriartornermi kinguarsimasut akuttungitsutigut paasineq ajorpaat, meeqqap suna oqaluttuareruerusullugu kalerrisaarutigineraa. Meeraq paatsoorsinnaarpaat meeqqallu kissaatigisaanut imaluunniit pisariaqartitaanut naleqqutingitsumik akisinnaasarlutik. Tamanna soorunami ajorpoq, ingammik meeqqamut siullermeerluni attaveqarniarnermik pilersitsiniarnermi pippat.

Ataasiakkaat angajoqqaanngoraangamik perorsimarpasinneq ajorput. Inuuusuttuuneq pineqangnilaq, kisiannili nammineq annikippallaamik isumassuinikkut pissarsisimaneq pissutaalluni angajoqqaanngoraangamik isumassuinikkut naammattumik tunniussisin-naaneq ajorput. Angajoqqaat taamak ittut meeqqap pisariaqartitaanik aamma namminneq pisariaqartitamik akornanni pingaarnersiuvisinnaaneq ajorput, imminnullu siulliullutik isiginiartarlutik meeraq pingarnerutinnagu. Qinngaritsaassigaangamik imaluunniit kama-lerlutik, taamaalisarpummi isummatik akerlilneqaraangata, imminnullu aqussinnaaneq ajulerlutik sakkortuuliorsinnaasarlutik. Angajoqqaat taamak ittut isumaqarneq ajorput ikiorneqarnissaq pitsaunerusumik isumassuisunngornissamik immikkut siunertaqanngitsqoq. Amerlanertigut imminuunnaq soqutigisarput, annikitsuinnarmik allanik soqutiginnitarlutik, allaat meeqqatik soqutigissanagit. Aamma ersarissumik takusarparput, pitsaasumik attaveqaqatigiinnissamut suna ajoqusiarnersoq.

Naggataatigut eqqaassavarput, angajoqqaat piffissap ilaatigut pitsaasumik isumassuisuusinnaasut, inuunerup ilaatigut nukissaarussinnaasarmata aamma imminnut uppe-riunnaarsinnaasarmata. Aningaasaqarniarneq ajortumik ingerlasinnaavoq. Annertuumik nappartoqarsinnaasarpoo imaluunniit aappariinneq ajalusoorstinnaasarluni. Tamatta an-neruumik erngumassuteqarnerup sunnersinnaavaatigut, allaat ulluinnarni pisussaaffivut sapilersinnaallutigit. Aamma meeqqamat pitsaasumik isumaginninnissamut pisussaaffik tassani pineqarsinnaavoq.

Attaveqarnerup pitsaassusaa

Meeqcanut tamanut kissaatigisarput tassaavoq, toqqissimasumik attaveqarnissaq qu-lakkeerneqassappat, suleqatigiinnissamut pitsaasunik isumassuisoqassasut. Kisianni tassa ajutoortoqarsinnaavoq, tamannalu pisarpooq qulaani taasatsitut attaveqarnikkut ajor-nartorsiutaasinaasut pissutigalugit suleqatigiinnissaq pitsaasoq akornuserneqaraangat. Kingunerisinnaavaa, assigiinngitsutigut attaveqarnerup ilusaa allanngorsinnaasarlutik, imaluunniit attaveqarnerup pitsaassusaa ajorluni. Tamatuma sunik kinguneqartarnera sammissavarput.

Tarnip pissusaanik ilisimasaqarnerup ineriertornerani toqqissimasumik attaveqarnerup aamma assigiinngitsutigut toqqissimanngitsumik attaveqarnerup ilusiisa akornanni sualuttumik avissaartitsisarpugut. Meeqqap toqqissimasumik attaveqartup tamanna takutittarpaa soorlu anaanani "aallaavittut" atorlugu (imaluunniit anaanatut atuuttoq) avatangiisiminik paasiniaasarluni. Meeraq taanna annikitsukkuutaarlugit anaanaminiit avissaariartarpooq - eqqortumik oqaatigalugu allornerit ataasiakkaarlugit - anaananiilusoq toqqissimanartumik "immersorfiginiarlugu" uterfigisarlugu, nalunagu tassaniittooq, allornernik tiguseqqittarluni, annertunerusumik nammineersinnadernissamut ineriertor-nermini ungasinnerusumut ingerlasarluni.

Sivikitsumik qimaqqaneq pinerit tamaasa meeqqamat atoruminarsarpoq, assersuutigalugu meeqqerivimmii aallartittussanngorpat, pissutigalugu misilittagaqarpoq taaku oqalut-tuarput, anaana pisariaqartileruniuk tassaniissasoq. Sivisumik imaluunniit ataavartumik qimatsinerit annernarerupput atoruminaannerullutilu. Kisianni siusissukkut pitsaasumik inersimasut tungaatigut misilittagaqaruni, meeraq taamak ittumik nalaataqaruni annikit-sukkuutaarlugit isumassuisuminut nutaanut toqqissilluni attaveqarsinnaasarpooq, ineriertor-ninilu ingerlateqqilertarlugu - kingusinnerusukkut takujuk.

Oqaatigineqareerpoq toqqissisimasumik attaveqarneq ineriaartortartoq meeqqamut isumasuisut pitsaasumik attaveqarnerup ingerlanissaanut attuumassuteqartunik piginnaaneqaraangata. *Toqqissisimanngitsumik* attaveqarneq ineriaartortartoq, meeqqamik isumaginnit-tussat annikippallaamik najuukkaangata imaluunniit aalajaatsuunatik aamma meeqqamut akissuteqarniarnernikkut siumut nalorngisuugaangata, qulaani allaaserisat malillugit. Najuuttarput aamma najuunneq ajorput, ilaatigut akisarput ilaatigullu akisarnatik, ilaatigut eqqortumik akisarput ilaatigullu kukkusumik akisarlutik. Avatangiisit toqqissimaranunnaartarput, tamanna meeqqamut pitsaasuuungilaq, nalullugu suna naatsorsuutigisinnaanerlugu.

Meeqqat taamak ittut nammineersinnaalernissaq aamma qimanneqarsinnaalernissaq annertuumik ajornartorsiutigisarpaat. Isumassuisuminnik eqitaarisarput sivisuumillu qiasinnaasarlutik aamma qimanneqaraangamik toqqissisarnejqarsinnaaneq ajorlutik - piffissaq sivikitsuinnaq pineqaraluarpparduunniit. Taava angajoqqaat uteraangata meeraq suli annertunerusumik eqitaarisarpaq. Ilaasa aliasunnertik sulilluarnikkut takutittarpaat imaluunniit ajattuinikkut - soorlulusooq angajoqqaatik "qimatsinerannik" pillarniarlugit. Pissutigalu meeqqap immikkoortissinnaammagu angajoqqaanik eqitaarinissaq tassungalu ilutigitillugu ajattuinissaq, toqqissisimanngitsumik attaveqarneq taamak ittoq aamma taaneqartarpoq *arlariinnik isumaqarneq*.

Meeqqat ilaat annikitsuinnaarmik imaluunniit *annertuumik* qanigisaminnik suleqateqarnermi siumut oqaatigiuminaatsuusarput, taamak ilillutik *nigorsimaarniartumik* attaveqarnermik taaneqartartoq pilersittarpaat. Meeqqat taamaattut qanilaassutsimik upperisaqrunnaartarput nuannariunnaartarlugulu. Meeqqat taakku tatigisaqannginnertik takutittarpaat qisuariaatigisarlugulu qanilaarneq pilersinniarlugu misiliernut akerlliineq. Allaqaammut annertuumik qaninniarsinnaasarput, iluamik pisarput, piumasaqarpallaaratik ilaatigullu allaat iluareqquaarsinnaasarlutik. Ilisarisimasanukartarpaat aamma ilisarisimanngisanut, nalulluinnaakkamik uppataannut inginnissartik imaluunniit eqitarneqarnissartik tunuarsimaarutigissanagu. Tamanna *kinaassusersiunngitsumik* taasparput. Tamanna meeqqanut toqqissisimasumik attaveqartunut sanilliullugu allaane-ruvoq, taakku takutittarpaat, kimiikkusunnertik killilersorsinnaasarlugu, aamma ilisarisimanngisatik qanillattortinnagit isigilluaqqaarniartarlugit.

Meeqqat *nigorsimaarniartumik* attaveqartut ileqqunik malittarisassanillu ilinniarnissaq ajornakusoortittarpaat. Inunnut allanut annikippallaamik misigissuseqartarput, taamaallillutillu allat kissaatigisaat malittarisassaallu malillugit pissusilersonertik "nalimmas-sassallugu" nuannarineq ajorlugu. Tassanngaannartumik piniartarput, kamalersarlutillu piumasartik pinngikkaangamikku (nalinginnaasumik akerliersuilersarneq eqqarsaatigalu!) aamma annikitsuinnaarmik naammagittartarlutik. Meeqqat taamak annertutigisumik attaveqarnikkut akornuserneqarsimasut arlaannut attaveqarniarlutik aallartikkaangamik akuttunngitsumik piffissaq sivisooq atorlugu meeraq annertuumik misiliiniartarpoq (*ilumut soqutigivinga?*) taavalu sakortuumik eqitaarinermiit malunnartumik ajattuineq paarlakaajaattarlugit. Meeqqanik allanik pinnguaqateqartillutik kamassaarisuinnaasarput sakortuniartarlutillu.

Meeqqat ajattukkat pitsaanngitsumillu attaveqaatillit amerlanersaat pakatsinartunik misigisaqarusunnatik imminnut illersoniarlutik naatsorsuutigisatik malillugit qisuar-

figisinnaasaminik pissutsinik pilersitsisarput. Inuunerminni qularinagu - amerlanertigut siumut oqaatigisinnaasaat - tassaavoq ajattuineq. Pissutigalugu siumut oqaatigisinnaasat tungaviummata toqqisisimasumik misigisaqarnissamut, meeqqat taakku taamak pissusilersorsinnaapput ajattorneqarnissaq qulakteerniarlugu. Taava naluneq ajorpaat qanoq pisoqassanersoq. Tamanna akisoqaaq siumut oqaatigisinnaasanik misigisaqarusulluni, aamma piitsununarnerpaajulluni.

Siunissaq ungasittooq isigalugu ineriertorneq qanoq ingerlassava?

Misissuinerit takutippaat meeqqat toqqisisimasumik attaveqaatillit atualersinnatik aama-
ma atualeraangamik nuannaartuusartut, aallartittillaqqissuusartut, paasisaqrusuttartut,
suleqataalluartartut aamma allanit nuannarineqartartut (Killèn 1999). Imaanngilaq
meeqqat taamak ittuunerat "pissutaasoq", kisiannili suli pitsaasumik suleqatigiinnissamut
ilaallutik, tamatumani pitsaasumik ilisarnaatistik uppernarsivaat sakkortusarlugillu.

Meeqqat toqqisisimangitsumik, arlariinnik isumalimmik attaveqaatillit akuttunngitsumik silatusaarlutik misileraasarput, qanoq illutik angajoqqaaminnik (immaqa aamma allanik) tusaaeqarnissartik qulakteerniarlugu. Misigissutsinik aamma qisuaraiatinik ingasaassi-
sarput takuneqarnissaminnut paasineqarnissaminnullu periarfissat annertusarniarlugit.
Meeqqat toqqisisimangitsumik attaveqaatillit ilaat annertunerusumik erngumasuuneru-
sarput aamma pillaanissamik pisariaqartitsimngitsut kinguarsimaarnerusarput, assersuuti-
galugu misigissutsinik nalinginnaasumik takutitsinissaq mianersuuttpaat.

Meeqqat nigorsimaarniartumik attaveqaatillit ajattuinermik pissusilersornertik ingerlatiin-
nartarpaat, kisianni ajornanngitsumik ussismik ajattuisarnertik pinngitsoortinniarlugu
misileraallutik aallartittarpot. Taamaattumik timikkut attaveqartarneq akuersaarsinnaa-
sarpaat, tarnikkut iliuutsitigut tunuarsimaarneq atatiinnarlugu.

Meeqqat angajoqqaarsianut nuuttut

Qulaani oqaatigineqartut aallaavigalugit naatsorsuutigisinnaavarput, meeqqat amerla-
suut angajoqqaarsianut nuuttut attaveqarnikkut arlaatigut ajornartorsiuteqarsinnaasut.
Taakku angajoqqaarsiaminnut annertuumik unammillernartuusarput aamma angajoqqaar-
siat meeqqanik taakkuningga ulluinnarni inuunermi isumaginninnissaminnut arlalitsigut
ikiorneqarnissaminnik pisariaqartitsippot. Siunnersorneqarnissaq aamma ilitsorsorneqar-
nissaq oqilisaavagineqarnissartillu pisariaqartippaat. Unammillernartut sammissavavut
aamma meeraq angajoqqaarsiallu qanoq illulta ikiorsinnaavavut.

Meeqqat qulartumik (arlariinnik isumalimmik) attaveqaatillit

Oqarnertituit, meeqqat eqitarisimnaallutillu ajattuisinnaasarput. Ingammik ajattuineq
paassisallugu inuunerissallugulu ajornarkusoorsinnaasarpoq. Ajattorneqarneq atorsinnaas-
sagutsigu paasisariaqarparput, soaq meeraq ajattuinersoq. Amerlanersatta upperiniartar-
paat arlaannit ajattorneqaraangatta - aamma meeqqanit - uagut nammineq arlaatigut
ajoquteqartugut, ingammik tamanna piffissap sivisuup ingerlanerani pigaangat. Aamma
arlaata soqutiginata pissusilersuleraangat ajattorneqarneq utertikkuminartarpoq, aamma
tamanna pitsaanngitsumik suleqateqarnerup pilersissinnaasarpa. Pingaaruteqarpoq paa-
sissallugu, tamanna meeqqat siusinnerusukkut misigisimasaannit aallartinneqartarmat,
uagutsinnullu attuumassuteqarnani.

Meeqqat taakku eqitarisarnerat aamma unamminartuusinnaavoq. Meeraq inersimasunik

eqitaarileraangat, soorlu anaana qalialiarluni støvsugemik aallerpat imaluunniit ater-luni allakkanik aallerpat allaaneq ajorami uvippakajaalersartoq, taava pingaaruteqarpoq ilisimassallugu, meeraq ungannginnissaanut qimanneqarnissaanullu sungiusarneqartariaqarmat. Immaqa eqqarsaatigeqqajaanarsinnaavoq, meeraq taamak toqqissisimanngitsigisoq, inersimasumik eqqaminiiittaannartussamik pisariaqartitsisoq, aamma susoqaraluarpal-luunniit qimanneqassanngitsiq. Uani oqaatigisariaqarpoq, meeqqap taamak ittup ilinnias-sappagu, avissaaqqaneq erngumanartoqanngitsiq, avissaaqqaneq qimagaqqinnejarnermik isumaqarngitsiq, taava meeqqap ulluinnarni nalinginnaasumik avissaaqqanerit misigis-riaqarpai, angajoqqaat aneriarlutik uteqqittarnerat aqqutigalugu. Taamak ittumik sungiu-saanermi pingaaruteqarpoq, meeraq piareersimatissallugu, sivikitsumik avissaarneqaler-soq. Aamma mianersuunneqassaaq, avissaaqqaneq siulleq sivikitsuinnaassammatt. Taava avissaaqqaneq sivitsoriartortinneqarsinnaavoq. Meeraq taamak ittumik misigitissallugu annernarsinnaagaluarpoq, kisianni tamanna iluamik silatusaartumillu isumagineqarpat siunissami meeqqamut pitsasumik kinguneqarsinnaavoq. Eqitaarinermut tunniutiinnar-neq ingerlatiinnarneqarpat, tamanna uppernarsaaneruunnassaaq, qimanneqarnani toqqi-sisimanermiit avissaaqqaneq qanoq ulorianarnerutiginersoq.

Meeqqat taamak ittumik attaveqaatillit amerlanerit inersimasunik nutaanik avatangiiseq-leraangamik toqqissisimasumik misigisimalernissaminnut piffissamik pisariaqartitsarput. Misilittagaasami takutittarpaat, takuneqannginnissaminnut paasineqannginnissaminnullu piareersimaneq toqqissisimanarnerusoq, taamaammat imminnut illersorniarlutik avissaar-simaniartarput. Kisianni piffissap ingerlanerani aamma isumassuinerik tunineqarnertik pissutigalugu, angajoqqaaminnik nutaanik tatiginnillutik siumullu oqaatigineqarsinna-aunik nutaanik misigisaqartinneqarnertik akuerisarpaat, taavalu toqqissisimanartumik avatangiiseqarlutik misigilertarlutik.

Ilaatigut takuneqarsinnaasarpq, meeqqat taakku qajannartuuusut naak angajoqqaar-siani pitsasuni inissinneqaraluarlutik. Nalinginnaasumik pitsasumik inuuusinnaasarput, avatangiisitik eqqissismappata toqqissisimanartuuppatalu. Kisianni annertunerusumik artorsaatissinneqaraangamik naatsorsutigisaniit sakkortunerusumik qisuarciartarput. Tamanna meeqqamut tassungarpiaq sillimaffigisariaqarparput, taamak misigisaqqinnerani majorlugu misigeqatigalugulu.

Meeqqat nigorsimaarniartumik attaveqaatillit

Meeqqat nigorsimaarniartumik attaveqaatillit angajoqqaarsianut annertunerpaamik unammillernartuuusarput. Qulaani oqaatigineqartut malillugit, meeqqat pitsasumik takuneqaratillu paasineqartarsimangitsuupput imaluunniit annikitsuinnarmik siumut oqaatigineqarsinnaasunik misigitinneqartarsimallutik, taamaammat toqqissisimanartumik attaveqalersinnaaneq upperiummaarsimasarpaat. Pakatsinartunik allanik misigeqinniar-natik, inuit allat ajattulersarpaat. Meeraq piffissami sivisuvallaami taamak inissisimasim-mappat, ajoqusernerup iluarsiniarneqarnera ajornakusoorsinnaasarpq. Pissusilersornini pissutigalugu – pakatsisinneqannginnissaq pinaveersaartinniarlugu pilersinneqarsimasoq – arlaleriarujussuarluni ajattorneqarnermik misilittagaqqarnerup aamma piginnaasanik assigiinngitsunik atuisinnaannginnerup, aamma aalaakkaasumik ajortumik ingerlalersima-nerup uppernarsisittarpa, nammineq inuillu allat naleqanngitsut.

John Bowlby ("meeraaqat tarnimikkut pissusaanik ilisimasallit ataataat") paassisallugu pingaarutilimmik tuninikuuyaatigut, siusittumik attaveqarnikkut misilitakkat taamak

ittut ingerlaavartuuvinnaasut aamma ineriartornerput malitsigalugu sunnersinnaagaa-tigut ajuvissappallu inersimasunngornerput ilanngullugu (Bowlby 1988). Oqariartaasia qamuuna sularinermut periutsit meeqqap nammineq inuillu allat attaveqarnerup ingerla-nerani eqqarsaatigisinnasaatigut naatsorsuutigisinnasaatigullu tungavigisartagaannik imaqarpoq.

Inersimasut misikkarissut, tikittuminartut aamma kialaartut meeraq misilitakkaniq tunisarpaat, allat tatigineqarsinnaasut, aamma meeraq nammineq pingaartinneqartoq. Paarlattuanik meeraq pisariaqartitamik kissaatigisaminillu annikitsuinnarmik tusar-neqarsimasoq, aamma soqutigineqarnermik ajattorneqarnermillu misigitinneqarsimasoq, eqqarsalartarpoq, allat tatigisassaanngitsut aamma meeraq nammineq annikitsuinnarmik naleqartoq. Misilitakkat taakku ataasiakkaarlugit isumalersorneqalersarput imadillugit meeqqap kingusinnerusukkut

attaveqarnikkut pissutsit qanoq isikkoqarsinnaaneranut naatsorsuutigisinnasaanik pilersitsillutik. Naatsorsuutigisat meeqqap inunnik allanik paasinneriaasianut aqtsisuu-lersarput. Tamatuma kingunerigajuttarpaa, imminut uppernarsiniarluni pissusilersorneq. Meeraq tatiginnittooq avatangiisiminuit pitsaasumik akissutisisarpoq aamma naatsorsuuti-gisani pitsaasumik uppernarsisarlugit. Meeraq toqqissisimanngitsoq upperinnippiarnani aamma tunuarsimaarluni imaluunniit akeqqisimaarluni qisuarciartarpoq taavalu pitsaar-piinngitsumik akineqartarluni - ilaasa pitsaanngitsumik naatsorsuuteqarnertik uppernar-sarpaat. Taamaasilluni suleqatigiinermut ilusiliat aalajangerneqartarpot ataavartumillu ilisarnaataalersarlutik.

Allat aamma paaserusutsassimavaa qamuuna sularinermut periutsit taamak ittut qanoq annertutigisumik allanngortinneqarsinnaanersut. Qujanartumik misissuinerit arlallit tikkussipput, pitsaanngitsumik naatsorsuuteqarneq pitsaunerusumut mumisinneqarsin-naasoq. Meeqqat toqqissisimanngitsumik attaveqaatillit pisariaqartitaat siulleq tassaavoq piffissaq aamma naammagittarneq. Tamanna ingammik meeqqanut nigorsimaarniartumik attaveqaatillinnut atuuppoq. Angajoqqaarsiat naatsorsuutigisariaqarpaat piffissami sivisumi meeraq pitsaasumik aamma qanimat attavigisinnaanagu, taannami nutaamik pakatsisinneqarusunnani imminut illorsornissaminut sivisuumik pisariaqartitsisarpoq. Meeraq qanillattorluni misileraaniarluni aallartippat, taava ersarissumik annertuumillu killilerneqarnissaminik pisariaqartitsissaq.

Piffissami sivisujaami pisariaqarsinnaavoq, meeraq "aqussallugu". Ileqqut malittarisassallu iluamik "isertinneqarsisimanngillat". Annikitsuinnarmik sianiginisinnappaat aamma qamuuna malittarisassanit allanit aqunneqarlutik. Periutsit nalinginnaasut atorsinnaan-ningilagut, meeqqat ukioqqortunerit qinnuiginiarutsigit imaluunniit peqqissimitinniarutsi-git - imminiuinnaq isiginiartarnerat annertuaallaarpoq. Taava isumassuisut paarlattuanik iliuseqartariaqarput arlaleriarluni atorneqaqqittartunik ersarissumik annertuumillu killilersuillutik, akuttunngitsumillu oqaaqqissaarinertalerlugu iliutsit assigiinngitsut sunik pitsaasunik pitsaanngitsunillu kinguneqartinneqassanersut. Assersuutigalugu pitsaanngit-sunut kinguneqartitsineq tassaasinnaalluni inuuissiortumut qaaqquaasunut ilaangnitsoor-neq, aamma atuaqatigisat ilagalugit angalaarnermut ilaangnitsoorneq, isikkamik arserner-mut ilaatinneqanngitsoorneq assigisaanillu.

Meeraq ima ukioqalerpat oqaloqatigiinermut oqaatsit atorneqarsinnaalerlutik, taava angajoqqaarsiat ersarissuunersaat pingaaruuteqarpoq, malittarisassat suut *oqaloqatigiis-*

sutigineqarnatik atuunnersut, aamma suna isumaqatigiinniassutaasinnaanersoq. Meeqqat taakku ilaat inussiarnersuusarput eqqartueqataasinjaallutik aamma aqutsiniarsinnaasuullutik, kisianni annertuumik akerlilersuisinnaagaluarlutik, annertunerusumik toqqisisimarnerusarpooq nalunagu, inersimasut akisussaaffimmik tiguserusunnerusartut tamanna meeqqanut tunniunnagu. Kisianni aamma pitsaasumik malittarisassanik eqqartuinermut peqataaneq sungiusarneruvoq. Piviusumik aamma atoruminartumik kinguneqartitsinis-samut assigiinngitsunik paarlattuanik atorneqarsinnaasunik piareersaanertut eqqartuinerruppata, meeqqap allanut sanilliulluni aamma assigiinngitsunik kinguneqartitsinermut atatillugu ersarissumik qanoq inisisimanerlumi paasisinnaavaa. Tamanna imminut er-sarissumik assitalersuinissamut iluaqtigissavaat. Tamanna aamma ullup iluamik takuju-minarsinissaanut iluaqtaasinnaavoq aamma piviusumik angajoqqaarsiat ulloq "nuanner-suutinniarpassuk" meerarlu piareersarlugu, ulloq qanoq isikkoqassanersoq aamma qanoq pisoqarnissaanut suut naatsorsuutigisinnaanera.

Tamatumani siunertarineqarpoq, siumut oqaatigisinnaasat aamma tatigisinnaasat takutinneqarnissaat. Immaqa ulluinnarni pisartunut angajoqqaarsiat tatiginassutsimik takutitsisarnerat, ilaqtariinni inuunermik ingerlatsinernut allanut sunniussinnaavoq; kisiannili tassa isumagineqarnissamik akuerineqarnissamillu naatsorsuuteqarsinnaanermik pilersitsisinnaavoq.

Amerlanertigut meeqqat taamak ittut ineriartornerminni arlalitsigut kingusissuusar-put annertuumillu angumerisassaqartarlutik. Meeqqat amerlanertigut atugarliornertik atoruminaatsittarpaat, suut tamaasa soqutigiunnaartarpaat, atuarfimmi suliassaappata imaluunniit ilinniagassat allat. Ilaat tunniutiinnartarpot "namminerlu imminut atuarun-naartittarlutik", ilaat sakkortuumik kamattarput sakkortuuliortarlutillu. Pingaaruuteqar-poq, ineriartornissamut angajoqqaarsiat annikitsuinarmik anguniagaqarnissaat aamma ukioqalerterit tulleriaarnerat malinnagu naatsorsuutigisatik meeqqap tunngavigisinnaasai malillugit aaqqtittassagaat. Siuariernerit annikitsut annertuumik nuannaarutigalugit, aamma unammillernartunik nutaanik misiliinerit kaammattuutigineqassapput annertuu-millu tapersorsorneqarlutik.

Minnerungitsumik pingaaruuteqarpoq, angajoqqaarsiat meeqqanik taakkuningga suliaqar-tillutik pitsaasumik tapersorsorneqartarnissaat. Ilaanneeriarluni ilitserusuussineq taamak ittoq immikkut ilisimasalinnik tunniunneqartassaaq, assersuutigalugu tarnip pissusaanik ilisimasalinnit meeqqanik katsorsaanikkut misilittagalinnik taaneqartartunik. Imminut annikigilertarneq misiginartarpoq, aamma isumassuinikkut piginnaasatigut imminut qularilerneq misiginartarpoq. Tamanna pinngitsoortinniarneqassaaq, taamaasillun angajoqqaarsiat meeraq sapiillisaarluni qanillattulerpat angajoqqaallu nutaat neqeroorutigis-in-naasaanit tamanit tiguserusulerpat nukissaqassapput. Pisut ajornerpaat ilaat tassaasin-naavoq, meeqqap ineriartornermigut siuariaateqannginna imaluunniit arriippallaarnera pissutigalugu angajoqqaarsiat imminut annikigilerlutit taamaatinnerter, angajoqqaarsia-tullu isumaqatigiissutertik tunuartillugu. Taamak pisoqarneratigut meeraq misigisamik taamak ittumik tunerusunngikkaluarlugu tunineqassaaq, tassalu asuliinnaq pineqaqqinnejq qimagaanerlu. Neriutigisinnaavarput, taamak pisoqassanngitsoq, angajoqqaarsiat isumas-suinkkut piginnaasatigut imminut tatiginissaannut naammaginartumik tapersorsorlugit.

Aamma naatsorsuutigisariaqarparput, meeraq meeqqerivimmi atuarfimmilu perorsaa-nikkut immikkut pisariaqartitsissasoq. Amerlanertigut eqimattani angisuuniinnejq saper-

tarpaat, eqqissiveqarneq ajorput ilaminnillu akornusersuisarlutik. Eqimattani mikisuni pitsaanerusumik angusaqarsinnaasarpus, kisinni akunnerni ataasiakkaani ilinniartitsisumik kisimeeqateqartariaqarput. Meeqqat piginnaasanik arlannik isumaginnissinnaallutik misigisaqarnissamik ikiorneqarsinnaanerat anguniarlugu atuarfimmik meeqqerivimmillu pitsaasumik suleqateqarnissaq pingaaruteqarpoq. Taava eqimattanut anginerusunut ikaarsaariarnissaq tullinnguussinnaavoq.

Angajoqqaarsiat amerlasuut isumaqartarput, meeqqat taakku angajoqqaarsiaminnut attaveqarusullutik takutitsiniartarerat naammaginangitsumik sivisusartoq naalaartarlungulu, angajoqqaaminnik nutaanik tatiginmillutik naatsorsuutiginnillutillu takutitsinissaat qaqugukkut aallartinniarnersoq. Meeraq sunik ajornartorsiuteqarnersoq pillugu siumut angajoqqaarsiat paasitinneqartarnissaat annertuumik pingaaruteqarpoq, aamma tamanna ilaqtariinnut qanoq isumaqarnersoq. Inunniq isumaginnittooqarfuiq akisussaaffigaa paasissutissanik pisariaqartunik tunineqarnissaat isumagissallugu. Taamaakkaluarpal-luunniit - pitsaasumik siumut paasissutissanik pigisaqaralarluni ajornakusoorsinnaavoq, ulluinnarni inuuneq qanoq ingerlassanersoq takorluussallugu. Taamaattumik annertuumik pingaaruteqarpoq, angajoqqaarsiat qanimut malittarineqartarnissaat.

Oqaatigisinnaanngilarput, eqqartukkagut malillugit meeraq attaveqarnikkut taamak annertutigisumik akornuserneqarsimasoq, qaqugukkullunniit nalinginnaasumik attaveqalernissaq angusinnaangikkaa, naakilaat taamak alianartigisumik aamma atugaqlersarluartut. Kisianni piviusoq tassaavoq, meeqqap sumiginnagaalluni aamma siumut oqaatigiguminaatsumik inuuneqartinneqarnera piffissami sivisuumi ingerlanneqarsimap-pat, taava kingumut allanut attaveqarnikkut takutitsinissaminut piffissaq sivisunerusoq atortariaqassavaa.

Angajoqqaarsiani attaveqarnikkut ajornartorsiutit allat

Eqqartukkagut malillugit meerarsiat tamarmik attaveqarnikkut taamak annertutigisumik ajornartorsiuteqarneq ajorput. Kisianni meerarsiat amerlasuut siusinnerusukkut pitsaanngitsumik misigisaqarnerup kingunerisaanit, angajoqqaarsiamik neqeroorutaannik pitsaasunik tigusiniarnertik artorsaatigisinnasaarpaa. Piffissami sivisuumi nangaassut-qarsinnaasarpus aamma nutaamik attaveqalernissap ineriartortinneqarnera imaassinnaasarpooq marloriarluni siumut alloraanni taava ataatsimik tunumut allortoqartarluni. Ilaat tunuarsimaartarpus, aamma aporfiusinnaasut taamak ittut sammissavavut.

Nuunneq qanoq ililluni isumagineqartarpa?

Meeqqatilaat angajoqqaaminniit sukkanerpaamik nuuttariaqartarpus. Pinartoqartillugu inissiineq pisinnaavoq, meeraq kisimiitillugu qimanneqarsimappat imaluunniit anger-larsimaffimmi pissutsit ima toqqisisimanngitsigippata, inunniq isumaginnittooqarfik isumaqalerluni, meeraq annertuumik navianartorsiortinneqarsinnaasoq. Taamaakkaangat meeraq paaqqinnittarfimmut imaluunniit angerlarsimaffimmut upalungaarsimatitamut nuutinneqartarpaq, angerlarsimaffimmi pissutsit inunniq isumaginnittooqarfimmit misissor-neqartillugit. Misissuinerup inernerrippagu meeraq angajoqqaarsianut nuutinneqartariaqar-toq, aamma inunniq isumaginnittooqarfik inunniq isumaginninnermut ataatsimiititaliamit isumaqatigineqarpat, taava piffissamik meeqqamut atuisoqartariaqarpoq, nassuaallugu sooq taamaaliortoqarnersoq. Kisianni tamanna aamma meeqqap angerlarsimaffimmini nuunnissaminut utaqqinerani isumagineqarsinnaavoq.

Meeqqamut nassuaatigissallugu saperinarsinnaagaluarpoq, sooq angerlarsimasinnaanngit-soq, kisianni ersertuarnata aamma ammalluta pigaangatta amerlanerit paasisarpaat. Taamaasillutik meeqqat amerlanerit uppernarsisarpaat, angerlarsimaffik najussallugu pitsaanngitsoq, oqiliallassutigisarpaat misigigaangamikku allat tamanna takusinnaagaat qanorlu iliuuseqarfigalugu. Taamaakkaluartoq soorunami nuunnissartik anniaatigisarpaat. Meeqqat ilaat mikivallaaraangata oqaatsit atorlugit nassuaasinnaaneq ajorlugut. Mee-raaqqat annikitsuinnarmik oqaaseqarsinnaasarpuit, timikkullu qanilaarnermik tuppaller-sarneqarpata pitsauneruvoq. Kisianni meeqqat oqaaseqalerniariarpata oqdluuttusaavagut. Naak oqaatsnik annikitsuinnarmik atuisinnaagaluarlutik amerlanertigut ilimagisatsinniit annertunerusumik paasinnittarput. Annertuumik unamminartuuvoq, arlaat angerlarsi-maffimminiit nuunnissaanut piareersassallugu. Taamaattumik imaassinnaavoq, meeraq nuunnissap tungaanut iluamik takussaanngitsoq. Taamak annertutigisumik akuliutto-qartillugu, meeqqap namminneq tunngavigisai aallaavigalugit paasitinneqarnissaminut ikiorneqartariaqarpoq.

Meeqqat nuunnerup siunertaanik paasisaqartinnatik toqqissinissartik ilaqtaminnullu nutaanut attaveqalernissartik ajornartorsiutigisinnaasarpaat. Nalorngissutigisinnaavaat, sooq taakkunaniinnerlutik aamma qanoq sivisutigisumik taakkunaniissanerlutik. Immaqa uterlutik nuunnissamik nalunaarfigineqarnissartik utaqqiinnarpaat. Inunnik isumagin-nittoqarfimmi sullisisut pinerit tamaasa unammillernartumut tassunga pikkorissiartora-luarput. Immaqa ima isumaqartoqarsinnaavoq, uagut isumarpuit malillugu angajoqqaat pitsaavallaanngitsumik inissismalernerannut paasissutissanik meeraq tunineqassanngitsoq. Tassani ilisimassavarput, angerlarsimaffimmi pissutsit oqaasertalernerisigut taamaallaat uppernarsisarparput, meeqqap tamanna ullut tamaviisa akuuffigisimagaat.

Namminissarsiuinerit

Meeqqat misigisatik tamaasa naammaginartumik nassuaasersorniartarpaat. Meeqqat mikinerminniit nassuaasinnaassutsimik pigisaqartarput namminissarsiuinermik taaneqartartunik. Namminissarsiorneq assigiinngitsunik isumaqarpoq, tassungali ataqtigiissillugu meeraq imminut nassuaatitut atortarpoq. Ilorrasimaannartumik pisoqarpat, isumaqartar-put, tamanna akissarsiassaralugu, aamma aliasunnartumik pisoqaraangat, naalaartarlu, eqqunngitsumik iliorsimanerlutik imaluunniit inussiarnisaarnertik annikippallaarnersoq. Nalinginnaasumik tallimanik arfinilinnik ukioqaleraangamik piviusumillu nassuaanerit pitsaunerusumik paasisinnaaleraangamikkit tamanna taamaatittarpaat. Kisianni meeqqat, aamma meeqqat anginerusut, annertuunki nanertugassinneqaraangamik, soorlu angerlarsi-maffimminniit nuuttariaqarlutik, taava meerarpalunnerusumik eqqarsalersarput pissusiler-sorlutilu. Tamanna kinguariarnermik taaneqartarpoq, aamma meeqqap nalinginnaasumik paasinnittarnera iliuuseqartarneraluu annertuallaartumik nanertugassinneqaraangat qisua-riataalluni. Taamaammat naatsorsuutigisinnaavarput, tallimanik aamma qulinik ukiullit eqqarsaatigilersimasinnaagaat, suna allatut iliuuserisimaguniuk nuunnissaq pinngitsoorti-simasinnaanerlugu.

Kinguneqartitsinernit arlariinnit marluk sammisavavut: Siullermik meeraq isumaqar-toq, inussiarnisaarsimanginnami imaluunniit pikkorissimanginnami nuussimalluni, angajoqqaarsiamini pikkorinniartarpoq inussiarnisaarniarlunilu, uterluni nooqqinnissaq neriuutigalugu. Isumaqartoqartarpoq, angajoqqaarsiani najugaqarneq pikkorikkunik inus-siarsisaarunillu "qaangiutissaqqaartoq". Tamanna toqqissinissamut inunnnullu nutaanut attaveqalernissamut tunngavigissallugu pitsaasuunngilaq.

Tamanna pissutaasut ilagaat meeraq unneqqarissumik paasitinneqartassasoq, sooq nuunnersoq aamma uagut isumarpuit malillugu qanoq sivisutigisumik angajoqqaarsiaminiissanersoq. Taamak ittumik paasititsinissamut periaatsit marluupput. Periaaseq siulleq siunertaqtumik nassuaanermik taaneqartarpooq. Taanna isumaqarpooq, meeraq oqalo-qatigissagippuit, angajoqqaarsianiissasoq, nammineq toqqissilluni nerinissani, ullaakkut atuariartornissani, oqortunik atisaqarnissani, unnuakkut kisimiinnginnissani, annersine-qarnissaminik erngumassuteqarnani il.il. misigisimanassamat. Meeraq aperippat "sooq uagutsinni taamak pisoqarsinnaaningila?" Taava *peqqutaasunik nassuaatissavarput*.

Peqqutaasunik nassuaanermi angerlarsimaffimi pissutsit meeqqap nuuttariaqarneranut pissutaasut pineqarput. Tassani assersuutigalugu oqassaagut "nalunngilat, anaana imersimagaangat qanoq ittarersoq aamma iterneq ajorpoq illit atuariartornissannut aamma nukap meeqqerivimmukarnissaanut ikiuilluni..." Taamak toqqaannartigisumik peqqarniitsigineq aamma misinnarsinnaagaluarpoq, kisianni aamma uani eqqaamassavarput, meeqqap inuunermini ullut tamaasa misigisartagai oqaasertaliinnaratsigit.

Siunertaqtumik nassuaanerit meeqqap imminut naleqartinneranik eqquissapput. Meeraq isumassuinikkut sumiginnagaasimasoq tamatigut imminut annikitsumik naleqartilertarpooq. Taava nuuttariaqaleraangamik isumaqartarpuit, tamatumunnga pissutaasoq, angajooqqaat isumaqarmata naalannerat naammangitsoq, taava imminut naleqanngitsutut misigisimanerat sakkortuumik uppernarsineqartarpooq. Tassani aamma ajornakusoorsin-naasapoq upperissallugu, angajoqqaarsiaminnit isumassorneqarnissaminut naleqarlutik. Eqqarsaatiginerusarpaat, angajoqqaarsiaminni aamma naleqartitaanaviarnatik, taava eqqarsartarpuit, taakkununnga attaveqalinngikkunik pitsaunerussasoq, ajattorneqaaqqikku-nik pakatsinissaq pinngitsoortissagamikku. Siunertaqtumik nassuaanerup meeqqamut takutissavaa, ima naleqartigisoq, isumaqartoqarluni, pitsaasumik toqqisisimanartumillu pineqassasoq. Tassa tamanna piviusorsiortumik atoruminarsaatigissavarpuit (annersinne-qarnani, nerilluartarluni il.il.)

Angajoqqaarsiat aamma ilisimassavaat, isumassuinikkut meeqqamut iliuutsit tamavimmik malugineqartarmata aamma pinerit tamaasa isumassuinikkut naleqartitsinertut tigune-qartarlutik. Kisianni piffissaq sivisusinnaasapoq - apeqquaalluni nuunnissaq sioqquillugu imminut naleqassutsip qanoq annertutigisumik artorsinneqartigisimanera.

Ilumuussuseq ilumuussutsimillu suliaqarneq

Meeqqat tamarmik angajoqqaaminnut attaveqaatinik ineriaortitsisarpuit aamma taakkununnga ilumuussutsimik. Tamanna aamma atuuttarpooq, naak uagut isumarpuit malillugu isumassuineq pitsaasimanngikkaluartoq, aamma naak attaveqarneq toqqisisimanangngikkaluartoq. Aamma angajoqqaaniit ilaqtariinnut allanut nuunnissaq meeqqap ilumuussusianut annertuumik artorsiisinnaavoq. Tamanna paasiniarlugu, annerusumik ilisimas-riaqarparput, meeqqap ilumuussusia qanoq pisariaqartitsineroq.

Nammineerlutik ilisimassagunikku, angajoqqaaminnut ilumuussuseqarlutik, taava meeqqat imminut piumaffigisarpuit, amerlanertigut pitsaasumik assiutigisariaqaramikkit. Avataaniit isigalugit, angajoqqaat piginnaasaat annikissinnaasapoq, aamma isumaqarsinnaavugut, pitsaanngilluinnartut, kisianni pitsaaqutaannik meeqqat naminneq tamatigungajak takorluugaqarsinnaasarpuit. Taakkununnga pingaaruteqartarpooq, taakku pitsaaqutaat allanut saqqummersissallugit, aamma tessani uagut tapersersussavagut. Pitsaasuusapoq,

nuunnissamik nassuaassinermi unneqqarinnissaq, ilutigitillugulu meeraq ikiorlugu anger-larsimaffimmi ajunngitsumik ingerlasimasunik oqaluttuullugu.

Meeqcat assinganik tunngaveqarlutik aamma *angajoqqaatik illersorniartarpaat* ajortumik isigineqaaqunagit. Taamak unneqqaritsiginissaq nalornisoorutaasinaagaluarpooq, ilutigi-tillugu ilumuussutsimut killissaritinneqartoq qaangissangikkutigu. Ima iliorsinnaavugut assersuutigalugu oqarluta "anaanap sunit tamanit ilagiinnissarsi kissaatiginerugaluarpa, kisianni tassa ilaanneerarluni inersimasunut aamma kissaatiginerpaasatik sapilert-paat...". Uani *taamak* iliornerput, anaanap *piumassusianik* qulalertsinerunngilaq, aamma anaanaasoq meeqqamatit ajortumik isigineqartilinngilarput.

Ilumuussutsimut takussutaasinnaasoq alla tassaavoq, asanninnermik takutitsineq. Meeraq tamatuminnga ikiorsinnaavarput, piffissaq atorlugu oqaloqatigalugu "qanoq ilillutit anaana takutissinnaaviuk nuannaralugu aamma eqqarsaatigisarlugu?" Tamanna titartak-kamik titartaanerusinnaavoq, anaanap tusassallugu nuannaarutigisinsaasi allaaseralugit, oqarasuaat atorlugu, assitalimmik allaffigalugu il.il.. Meerarsiat aamma periarfissinneqas-sapput, qanoq angajoqqaaminnik nuannarinnitsignerluktiq oqaloqatigisutigalugulu taku-nissaannut qilanaarlutik. Tamanna *angajoqqaarsianit* akuerineqarsinnaappat, meeqqap qimagaannginnerminik misigisaqarneranut annertuumik ikiutaassaaq.

Ilumuussutsimut takussutaasinnaasoq alla tassaavoq, *isumassuinermik tunniussineq*. Meerarsiat arlallit isumassuinikkut akisussaaffimmik annertuumik tigummisaqarsimasarput, amerlanertigut anaanaaminnut imerajuttumut imaluunniit tarnimigut nappaatilimmuit. Nuunnerup kingorna meeqqap erngumassutigisarpaa, anaanani qanoq ililluni imminut isumagissanersoq, aamma qimagaanngillutik isumaqartarpalugut. Ungasissuumit isumassui-nissaq ajornakusoorsinnaasarpooq. Annikikkaluamik ikiuisinnaavugut, nalunatigu oqalut-tuukkutsigu, kina anaanamik isumaginninnersoq, pitsaanerpaaajussaaq, meeqqap anaana-mik attaviginnittooq naapissinnaappagu. Aamma ikiuisinnaavugut oqaloqatigisutigalugu, meeraq qanoq ililluni isumassuinermik takutitsisinnaasoq naak ungasissuumikkaluarluni, assersuutigalugu sianerluni, allalluni imaluunniit allatigut iliuuseqarluni meeraq peqqu-tissaqartilerlugu, anaanami eqqarsaatigineranik takutitsisinnaanngortillugu. Aamma taamak annertutigisumik isumassuisimaneranut annertuumik nersualaarininssinnaavugut. Ajornanngitsumik isumaqartoqarsinnaavoq, meeraq akisusaaffinnit tamanit aniguisikkut-sigu pitsaanerpaaajussasoq. Taava eqqaamasariaqparput, imaassinnaasoq isumassuineq meeqqap naleqassutsimink misigisimaneranut pissuttaaqataasinnaasoq. Taava pitsaane-russaaq pikkorissimaneranik tapersensorutsigu meeqqallu isumassuinermik takutitsisar-nerminik ingerlatsiinnarnissaanut periarfissanik qinaaseqatigalugu - naak annertuumik killeqarsinnaagaluartoq.

Najortigiinnissamik aaqqissuussineq

Najortigiinneq meerarsianut aamma angajoqqaarsianut nuannersuullunilu alianartuuusin-naavoq aamma meerarsiap ilaqtartaaminik attaveqarnikkut attuumassuteqarnikkullu misigisaanut atatillugu ajornartorsiutaalersinnaalluni.

Nuunnerup kingorna meeqqap aamma angajoqqaat najortigiittarnissaannut arlariinnik tunngavissaqarpoq. Siunertarisat tassaasinnaapput, allanngujuitsuunissamik qulakkeerin-ninneq, ilaqtariinni susoqarneranik malittarininnineq, uteqqinnissamik piareersaateqar-neq, namminissarsiuinermi ilumuussutsimilu ajornartorsiutinik annikillisaaneq. Meeqcat

ilaat angajoqqaanut kimigiisertunut imaluunniit sioorasaarisunut imaluunniit nakuusernernik assigiinngitsunik atuisunut illersorniarlugit najortigiinnissamik aaqqissuussiffigine-qartarput.

Angajoqqaanik suliaqarneq pingaaruteqalersapoq, pitsaaliuisoqalissappat, najortigiissinnaneq attaveqalernissamut attuumassuteqalernissamullu akornutaaleqqunagu. Angajoqqaat amerlasuut meeqqaminnik isumassuinermerik annaasaqarsimasut ersistarp kamallutilluunniit imaluunniit taakku ataatsikkut atorlugit. Akuttungitsumik ersistutigisarpaat, nuunneq tassa isumaqartoq, meeqqaminnik annaasaqarlutik, qaqgumorsuaq nuanna-riunnaassagaatsik, taamaallaalli angajoqqaarsiatik kisiisa nuannarilissagaat. Taamaamat angajoqqaarsiaasut ingiaaniartutut isigilersarpaat meerarlu ajugaaniussutigilerlugu. Angajoqqaat meeqqap asanninera ilumuussusiuslu piginarniarlugu sioorasaarlersin-naasarput, eqqaasittarlugit "sumerpiaq" angerlarsimaffeqarnersut, "kinarpiaq" anaanari-neraat, aamma angajoqqaarsiaasut taamaallaat "aningaasat piinnarlugit" taakkuninnga tigumminnittut.

Ilutigitillugu meeqqap nuuttup, ingammik inuuusuttuaraanngitsut, pisariaqartittarpaa, inunnut avatangiiserilersimasanut attaveqarnermerik ineriertortitsinissaq. Ima sakkortutigisumik oqaatigisinnaavarput, "attuumassuteqannginneq - pivusumik ineriertortitsinertaqanngilaq". Meeraq ilumuussutsimigt naqisimaneqartoq, ilaqtariit marluk akornanni kiggisimalertapoq, misigisimalertarlunilu, angajoqqaarsiaminut attaveqalerneq isumaqartoq ilaqtavimminik qimagaannilluni. Najortigiinnerup nalaani ilumuussutsikkut aporaannerit sakkortuumik ikumalalersinnaasarput. Inunnik isumaginnittoqarfimmit angajoqqaarsianillu paasineqarpat najortigiinneq tamatumani atornerlunneqartoq, taava piffissanngorsimassaaq nalunaarutigissallugu, najortigiinnissamik aaqqissuussaql allangortinnejqassasoq.

Pitsaanerpaajussagaluarpoq, ilumuussutsikkut aporaannerit pinngitsoortinniarlugit angajoqqaat inunnik isumaginnittoqarfimmit sulissuneqarpata, nuunnissaq sioqqullugu kingoqqullugulu piareersarlugit. Angajoqqaarsiat aamma annertuumik iliuuseqarsinnaapput. Angajoqqaat najortigiinnissamut aggeraangata ataqqinninermik takutittarlugit aamma meersiaminnik angajoqqaavi pillugit oqaloqateqaraangamik taakku sunik pitsaaquteqarnersut oqaatigisinnaavaat.

Angajoqqaarsiat angajoqqaanut attaveqarnerat tatiginninermik peqataatinneqarnermillu imaqassaaq aamma imminut tunuarsimaartilaarneq ajussanngilaq. Tapitartuutaasinnaas-saaq angajoqqaat naleqarnerminnik misigitissallugit.

Angajoqqaarsiat aamma angajoqqaanik isumasiorfigineqarsinnaapput, angajoqqaammi nammineq meerartik nalunnginnerpaajusarpaat aamma tamanna meeqqap paasineqarnis-saanut pingaaruteqarlunilu ikiutaasinnaavoq. Paarlattuanik angajoqqaarsiat utertitsillutik meeqqap ineriertuutai pillugit ulluinnarnilu sulerisarneranik pisunillu pingaarutilinnik paasisitsisinnaapput.

Isumaqtigiissutigisinnaagutsigu, najortigiinnerup nalaani pisut pingaaruteqartut, taava aamma pingaaruteqarpoq maluginiassallugu, najortigiinneq siunertarineqartoq malillugu ingerlanngitsoq, immaqalu allaat attaveqarnermerik ineriertortitsinissamut akornutaalluni. Taava aperisariaqalerpugut:

Qaqugu oqarsinnaavugut najortigiinnissamik aaqqissuussaq taamaatittariaqarpoq?

Angajoqqaarsiat ulluinnarni takunnittuusarput, meeraq piffissami toqqisisimasumi ajornakusoortumilu qanoq ingerlasarnersoq. Taamaasillutik angajoqqaarsiat paassisutissanik pingaarutilinnik pigisaqartarpuit, najortigiinnermik aaqqissuussaq meerarsiaminnut qanoq sunniuteqartarnersoq.

Tamatuminnga naliliinermi aallaaviusinnaavoq, meerarsiaq piffissani pitsasuni toqqisisimagaangami erngumassuteqanngikkaangamilu qanoq ingerlasarnersoq. Taava takuneqarsinnaassaaq meeraq najortigiinnermut atatillugu allanngortarnersoq. Toqqisisimajunnaarpa imaluunniit pissusilersornergigmugt ajornartorsiulerpa, imaluunniit annilaangalluni nikallorlunilu qisuararpa? Akuerisinnaassagunarpaput, meerarsiaq najortigiinnermut qisuaraaqtinqarsinnaasoq. Qaffakaatitsineq annertusarpoq, maqaasisanik amma ajortunik misigisaqartarsimanerit. Immaqa nalornissuteqarnermut annertusaataasarput, angerlarsi-maffimmi qanoq ingerlasoqarnersoq, imaluunniit immaqa nalorngissuteqarnermut anner-tusaataasarput, angajoqqaarsiaminnik nuannarinnginnaanaerlutik.

Ilai immikkut inissisimanermi nalinginnaasumik qisuarichernertut akuerisariaqarpagut. Nalilersuinermi tunngavigisinnaasagut tassaapput, pissusilersornikkut allannguutit mee-q-qamut sunik kinguneqarsinnaappat. Assersuutigalugu sapaatip akunnera sioqqullugu kingoqqullugulu najortigiinnerup kingorna meeraq pissusilersornikkut annertuumik ajornartorsiuteqalersoq amma inersimasunut ukioqatiminullu attaveqarnera sakortuneruler-lunilu nigorsimaarnerulersoq. Imaluunniit toqqissiveqanninneaq aallussisinnaassutsikkut annertuumik ajornartorsiuleritsisinnaavoq, taamaasilluni inuuusuttoq atuarfummi pisunik annertuumik annaasaqarsinnaavoq. Akuttungitsumik takusarparput, susassaqarfitt taakku marluutillugit sunniuteqarfiusut allanillu ilallugit. Angajoqqaarsiat erngumassu-tigilerpassuk qisuarinerit meeppaq ineriartornissaanut aporfuersut, taava tamanna inunnik isumaginnittoqarfimmut oqaatigissavaat, taamaasilluni najortigiinnissamik aaqqissuussaq taakkunanit amtmandimut suliareqqitassanngortinneqassaaq. Suliaq tamanna inunnik isumaginnittoqarfimmut oqimaatsuuvoq pitsaasumillu uppernarsaatissaqarnissaq piumasagaataalluni, kisianni ilaanneeriarluni tamanna pisariaqartarpoq.

Inuuusuttuaraalluni angajoqqaarsianut nuunneq

Inuuusuttuaraanerup amma angajoqqaarsianut nuunnerup akornanni allaassuseqartoqa-reerpoq. Tamanna paasisinnaavarput, piffissami tessani ineriartornermi suliassat pingaa-rutilit marluk aallaavigailugit, tassalu avissaalerneq amma namminilerneq. Illuatungaani inuuusutt inunnut allanut, ilinniagagarnermut sulinermullu atatillugu namminilerneru-nissaminut toqqammavigisinnaasaminnik nassaarinntussaapput. Ilutigitllugulu ilaqtaminnit avissaartussanngortullu, nutaanut nuutittarpagut. Neriutarpugut, ilaquaasut nutaat inuuusuttoq amigaatigisimasata imaluunniit maqaasisimasata ilaanik tunisin-naassagaat, ima paasillugu naleqqat atorsinnaasut. Kisianni inuuusutt taakku taamak ittunik naleqqanik atuinissaminut piareersimappat? Ukiut amma ineriartornermi su-liassat eqqaasatta tamanna oqaatigaat amma inuuusutt angajoqqaaminnut ersarissumik amma aalajangersimasumik attuumassuteqareertarnerisa takutippa, inuuusutt amma angajoqqaarsiat akornanni pissutsinut naatsorsuutigisinaasavut meeqqanut taamak inis-simasunut sanilliullugu allaanerusut.

Tamanna aallaavigalugu ukioqqortunerusunut angajoqqaarsiat qanoq ittuusinnaappat?

Iniusuttu amerlasuut angajoqqaarsianut nuuttut aamma annertuunik ajornartorsiute-qartarpuit. Ukiuni amerlasuuni isumassuinikku sumiginnagaallutik inuu simapput aamma sunik tamanik ineriertitsisimasinnaasarpuit soorlu pinerluuteqartarneq aamma ikiaroorniutinik atornerluineq, annilaanganeq nikallunganerlu - aamma ilaanneeriarluni tamaasa ataatsikkut. Angajoqqaarsiat sakkortusaarnerit, meerujunnerit, sorussususeqannginnerit killissanillu qaangiinerit piareersimaffigisariaqarpaat - ilaannanngui eqqaaniaarnarlugit. Tamanna aallaavigalugu aamma oqaatigisinnaavarput, iniuusuttunut angajoqqaarsiaasut isumassuinikku annertunerusumik piginnaasaqartariaqartut. Tunniussisinnaasariaqarpuit akissutisinissaq utaqqinagu. Siuariaateqarnissaq utaqqisinnaasariaqarpaat isumassuinikku tunniussuinertik qularinagu. Aamma isumassuinikku annertunerusumik piginnaasaqarnermut ilaavoq, meeqqat ukioqqortunerit inuuusuttullu piffissap ilaatigut isumassuinikku ukiukinnerusunut atuuttunik pisariaqartitsisinnaasarmata. 15-inik ukiullit 5-inik 15-inillu ukioqartuusinnaasarpuit, isumassuinikku pisariaqartitanik annertuunik matus-susiisimannginneaq pissutigalugu.

Taamaakkaluartoq oqaatigisariaqarpa put, iniuusuttut aamma angajoqqaarsiat akornanni attaveqarneq akuttusuutigut sapinnigisamik meeqqanut mikinerusutulli issinnaasarmat ittariaqarlunilu. Tamanna imaanngilaq attaveqarneq pilersinneqarneq ajortoq, kisianni attaveqarneq annikinnerusarpooq aamma taamak ittumik attaveqarnermut sanilliullugu misigissutit annikinnerusarpuit (neriuutigeqqunartumik) meeqqat ukiukinnerusut aamma angajoqqaarsiaasa akornannitut issinnaasarlutik.

Soorunami taamak ajortiginngitsunik ilaqtarpuit, kisianni iniuusuttuaqqat inuunerminni naammineernerulernissamut ikaarsaalersut annertunerusumik pisariaqartittarpaat, tatiginartunik tutsuiginartunillu siunnersuisinnaasunik avatangiiseqarnissaq, iniuusuttuunermi inersimasunngulernermilu piginnaasanik pisariaqartitanik piginnaasaqalernissamut tapersersuisinnaasut sungiusaasinnaasullu.

Angajoqqaarsiat angerlarsimaffiat iniuusuttumut imaalillugu oqaluttuarineqarsinnaavoq, taanna tassaasoq iniuusuttup isumassuinermik pissarsiffigisinnaasaa, kisianni aamma taanna tassaasoq, inersimasuunerup qanoq ittuuneranik ilinniarfiusinnaasoq.

Angajoqqaarsiat iniuusuttunik suliaqarnerannut anguniagassat ilaat

Akuersaaneqarsinnaasumik inersimasunngorneq

Tamanna isumaqarpooq, iniuusuttoq allanut akulernissaanik ilinniartillugu, pissusiler-sornikkut akuersaaneqarsinnaasumik sungiusaanikkut; allanik, ukioqatigisanik, ilinniartitsisunik, ittorisamik sanilinillu ilaqtilluni qanoq iliortoqartarnersoq? Allat paasisinnaasaannik aamma akuerisinnaasaannik ikiorneqarnissaq, tuppallersarneqarnissaq, kamannermerik aamma nuannaarnermik qanoq ililluni oqaatiginninnissaq pillugu qanoq ililluni ikioqquneqarnissamik ilisimasqaqalernissaq.

Piginnaasanik atorfissaqartissinnaasanik ilinniarneq

Angajoqqaarsiat amerlasuut tupaallaatigisarpaat, iniuusuttut piginnaasanik nalingin-naalluinnartunik ilisimasaqarneq ajormata assersuutigalugu, nerriviliorneq, nerinermi sungiussimasat, eqqiluisaarneq il.il. Piginnaasanut taamak ittunut ilanngullugit iniuusuttut ilinniartarpaat aningaasanik paarsinissaq, qanoq ililluni errorsiviup aallartinneqarnissaanik, najugaqarnermut tapiissutinik qinnuteqartoqartarnersoq.

Ilaquttanik attaveqarnerup ingerlatiinnarnissaanik ikiorneqarneq

Iniusuttut angerlarsimaffimminkit nuukkaangamik akuttungitsumik ilaquaasut akornanni sakkortuuliornernik ajattuinerup pilersitaanit ineriarortitsisimasinnaasarpuit. Iniusuttut tapersorsorneqarsinnaapput, inuumerat ajornakusoortuusimasoq, aammali immini ajunngilaq illuatungeriit imminnut nassaareqqinnissaannut ikiuisoqarpat. Angajoq-qaarsiani najugaqarneq qaangiukkaangat, iniusuttut namminneq ilaqtaminnik tunu-liaqteqarnissaq pisariaqartittarpaat.

Inuuneq naallugu angajoqqaarsianik attaveqarneq

Ilutigitillugu annertuumik iniuusuttunut iluaqutaassaaq kisimiilerniarluni misiliinermi aamma angajoqqaarsianik tunuliaqteqarnissaq. Imaassinnaavormi angajoqqaajusut pitsasumik ingerlanngitsut taamaasillutilu siunnersuinissaq ikiuinissarlu kisiisa nukisaqarfigalugit. Misilitakkat takutippaat, meerarsiat/iniusuttut amerlasuut inuunertik ajornakusuuleraangat angajoqqaarsiaminnut uterniarlutik qinnuteqartartut.

Uagut meerarput imaluunniit taakku meeraat?

Meeqqanik iniuusuttunillu ikorsiinermut inatsisit malillugit angajoqqaarsianut inissiinerit utaqqiisaajugallartarput. Anguniagaq tassaasarpooq meeraq angajoqqaaminut uteqqis-sasoq, isumassuunikkuq pisariaqartitaanik angajoqqaat tunniusseqqissinnaaleraangata. Taamaakkaluartoq ima pisoqartapoq - aamma annertusiartuginnarunartumik - meeraq angajoqqaarsianut nuuttarpoq, siunertalarugu alliartornermi sinnerani angajoqqaarsia-minittussaalluni. Tamatumunnga ilutigitillugu angajoqqaajusut suliareqqitassanngortitisinissaminnut periarfissaqarput, tassami meeqqap sumiinnissaa pillugu inaarutaasumik aalajangiineq pitinnagu piffissaq sivisusinnaasarpooq.

Tamatuma kingunerisaanit angajoqqaarsianut ajornakusoorsinnaasarpooq, qulakkeerlugu ilisimassallugu suna naatsorsuutigisinnaanerlugu; meeraq piffissami sivikitsuinnarmi uagutsinniissava, imaluunniit meeraq meeraanermi sinnerani iniuusuttuunerminilu ilaqtariinnut akuulissavaa? Taava oqaatigisarparput, angajoqqaarsiat angajoqqaajusunut tapertaangikkunik taartaasartut. Ullumikkut inatsisip isikkua taamaatillugu pisariaqarpoq angajoqqaarsiat ersarissumik ilisimassagaat, utertitsinissaq pisinnaasoq - naak ataavartumik inissiisoqarsinnaanera aallaviusimagaluarpalluunniit, aamma naak inatsimmi meeqqamut ajoqsiisinnasumik utertitsinissamut illersuisumik aalajangersagaqaluartoq. Kisianni meeqqanik isumaginninermut inatsisip naapertorlugu uternissaq imaluunniit utinnginnissaq pillugu aalajangiinermi nallersuineq ilaatigut apeqquataasarpooq, tassa aalajangersak-kat qulakkeerinninngillat.

Soorunami taamak inissisimaneq inummumt sakkortusinnaasarpooq.

Paarlattuanit angajoqqaarsiat meeqqamut isumassuinermk namminneq meerarisaminnut tunniutakkamik assinganik tunniussisussaapput. Illuatungaanilu nalunngissallugu - namminneq meerarisaminnut sanilliullugu - meerarsiartik ilaqtariinnut allanut nuutinnejarsinnaasoq.

Meeqqanik isumaginnittoqarfiup aallaqqaataaniit angajoqqaarsianut tunngatillugu tamanna ammafigisariaqarpaat. Tamanna aallartittariaqarpoq, kommunip (allanganngortiterinerup kingorna akisussaaffimmik tigummisaqarnerat ingerlatiinnarneqassappat) pissarsiornerminut nalinginnaasumillu angajoqqaarsianut akuersissuteqarnermut atatillugu pikkorissartit-

sinerani allatigullu suliniuteqarnerani. Aamma kommunip tamanna ammafigisariaqarpaa, meerarsiap aamma angajoqqaarsiat akornanni imminnut tullunnersut nalilersorneqaraangat. Pingaaruteqarnerpaajusorli tassaavoq, nuunnerup kingorna sammisap ingerlaavartumik ilitsersuinikkut ammatinneqarnissaa. Isumaqartoqarsinnaavoq, attaveqarnissaminik ammaanissamik suliassaq iluamik naammassineqarsinnaanngitsoq (ilaatigut) nalunagu uterttsisoqassappat tunuaqqittariaqarluni. Angajoqqaarsiat sutigut tamatigut ikorsiinikkut tunniussimaasagut pisariaqartippaat, tamatuma pakatsissutigineqarnissaa piimgitsoortinniarluq imminnut illersorniarlutik meerarsiaminnut attaveqarnikkut tunuarsimaarnermik kinguneqassanngippat. Taamak isumaqarneq aamma iliuuseqarneq meerarsiamut iluaqutaasinnaanngitsut annersaraat.

Angajoqqaarsiat meerarsiartik amerlaqisunik ajornartorsiutilik isumagisinnaaassappassuk sunit tamanit ilitsersuussineq *nalinginnaasumik* qitiusumik piumasaqataavoq. Ilitser-suussineq piviusumik siunnersuuteqarnikkut ingerlanneqarsinnaavoq, soorlu meerarsiap aallarnieneranut tunngatillugu qanoq qisuarriartoqassava, aamma misigissutsitigut attuinerusumik qisuarriartoqpat soorlu tamanna nalinginnaasuusartoq, arlaatigut annertuunik ajornartorsiuteqartoqartillugu.

Soorunami meeqlanik isumaginnittoqarfip nammineq suliniuteqarnermigut ilitsersuus-sinissamik neqerooruteqassaaq pisariaqartitsinerlu aallaavigalugu malitseqartitsilluni. Kisianni aamma pingaaruteqarpoq, angajoqqaarsiat ajornartorsiuteqalissagunik namminneq piffissaagallartillugu nalunaarutiginnittarnissaat. Amerlanerit namminneq isumaginniniartarput, kisianni arlaannarpulluunnit kisimiilluni sunit tamanit isumaginnissinnaanngilaq.

Litteraturinut ilaqtariinni paarsaqartitsinermi immikkut innersuussutit:

Bohmann, G. (1994): *Fia - barnet*. Oslo. Gyldendal Norsk forlag

Bunkholdt, V. (1999): *Forsterhjemsarbeid. Fra rekruttering til tilbakeføring*. Oslo. Gyldedal Akademisk

Gulliksen, Ø. (2000): *Forsterhjemshåndboka 2 utgave*. Oslo. Kommuneforlaget

Janson, T. (1999): *Det usynlige barnet*. I novellesamlingen av samme navn. Oslo Aschehoug

Litteraturinut sulianut susassaqartunut immikkut innersuussutit:

Ainswort, M.D.S., Blehar, M.C., Waters, E. og Wall, S. (1978): *Patterns of attachment: A Psychological Study af The Strange Situation*. Hillsdale, New Jersey. Lawrence Erlbaum

Bowlby, J. (1988): *A Secure Base: Clinical Applications af Attachment Theory*. London. Routledge

Bunkholdt, V. (1999): *Forsterhjemsarbeid. Fra rekruttering til tilbakeføring*. Oslo. Gyldedal Akademisk

Bunkholdt, V. (2000): *Utviklingspsykologi 2. utgave*. Oslo. Universitetsforlaget

Havik, T. (1996): *Som fosterforeldrene ser det*. Bergen. Barnevernets Komptansesenter på Vestlandet

Iversen, O. (2000): *Hvorfor griper barnevernet inn, og hvilken hjælp hadde barna fått?* I: Falck, T. og Havik, T. (red.): *Barnevernet og fylkesnemnd*. Oslo. Kommuneforlaget

Karlsen, B.R. (2001): *Psykisk utviklingshemning og foreldreskap*. Tidsskriftet for Norges Barnevern nr. 3

Killén, K. (1999): *Tidlig mor - barn samspil og tilknytning*. Tidsskrift for norsk psykologforening nr. 36 s. 938-948



Ilaqutariinnermut, Kultureqarnermut, Ilageeqarnermut
Naligiissitaanermullu Naalakkersuisoqarfik
Departementet for Familie, Kultur, Kirke og Ligestilling